



ZESTOAKO UDALA

ZESTOAKO KIROL UDALEKUAK 2019: BEGIRALEEN LAN-POLTSA

1. Deialdiaren xedea.

Deialdi honen xedea da Zestoako Udalak antolatzen dituen kirol udaleku irekietako eta "uda gazte" programako begiraleak kontratatzeko lan-poltsa lehiaketa bidez osatzea.

Kontratuaren iraupena lau astetako izango da kirol udalekuen kasuan, ekainaren 24tik uztailaren 19ra bitartean; eta aste batekoa edo bi astekoa izan daiteke "uda gazte" programaren kasuan, uztailaren 1-5 bitartean edota uztailaren 15-19 bitartean. Lanaldia, Udalak aipatutako programari aurre egiteko beharrak kontuan izanik ezarriko duena izango da.

2. Izangaien baldintzak.

Onartua izateko eta lehiaketan parte hartu ahal izateko, baldintza hauek bete beharko dira:

- 18 urte beteta izatea edo 2019an betetzea.
- Derrigorrezko Bigarren Hezkuntzako tituluaren jabe izatea.
- Gaixotasunik ez edukitzea, ezta akats fisiko nahiz psikikorik, postuan bete behar diren funtzioak betetzea galaraziko lukeenik. Beharrezkoa izanez gero medikuntxostena eskatuko da.
- Europako Batasuneko edozein estatuko edota hitzartutako herrialde bateko nazionalitatea edukitzea, abenduaren 29ko 55/1999 Legearen 37. artikuluan xedatutakoaren arabera.
- Euskara jakitea: mintzatzeko trebetasuna izatea. Beharrezkoa ikusiz gero, azterketa egingo zaio izangaiari trebetasun hau frogatzeko.
- Diziplinazko espedientea dela medio, Estatuko, Autonomia Erkidegoko nahiz udal erakunde publikoen menpeko lanetik banandua ez izana, ezta ere herri eginkizunetan aritzeko.
- Izendatua suertatuko balitz, abenduaren 26ko 53/1984 Legeak bateraezintzat jotako lanetan ez aritzea lanpostuaz jabetzeko egunean.
- Natura sexualeko delituengatiko aurrekari penalik ez izatea.

Eskatzen diren baldintza hauek izena emateko epea amaitzen denerako beteta eduki behar dira.

3. Eskabideak eta dokumentazioa.

Eskabideak **apirilaren 12a** baino lehen aurkeztu beharko dira, toki hauetako batean:

- Zestoako Udaleko Erregistroan (Foruen plaza 1, 20740 Zestoa).



ZESTOAKO UDALA

- Posta-bulego batean. Eskabidea zuzen aurkezteko, gutun-azal ireki batean eraman behar da posta-bulegora, bertako langileak data eta zigilua jartzeko, aurkezteko epearen barruan. Horrela bakarrik ulertuko da eskabidea posta-bulegoan utzi zen egunean izan duela sarrera Zestoako Udaleko Erregistroan.
- Zestoako Udalaren www.zestoa.eus egoitza elektronikoaren erregistro elektronikoaren bidez.

Aurkeztu beharreko dokumentazioa ondokoa izango da:

- Eskabide-orria beteta (ikus eranskina).
- Natura sexualeko delituen gabeziaren ziurtagiria edo erantzukizuneko adierazpena (ikus eranskina).
- Nortasun agiriaren fotokopia konpultsatua.
- Derrigorrezko Bigarren Hezkuntza tituluaren fotokopia konpultsatua.
- Lehiaketan baloratzen diren merituetako agirien fotokopia konpultsatua.

OHARRA: berriak diren agiri edo tituluak bakarrik aurkeztu beharko dira, aurrez Udalean aurkeztu ez direnak.

4. Epaimahai kalifikatzailea.

Epaimahai kalifikatzailea honela osatuta egongo da:

LEHENDAKARIA: Zestoako Udaleko kirol dinamizatzailea. Ordezkoa: Zestoako Udaleko gizarte langilea.

EPAIMAHAIKIDEAK:

- Zestoako Udaleko gazteria dinamizatzailea. Ordezkoa: Zestoako Udaleko ingurugiro teknikaria.
- Zestoako Udaleko euskara teknikaria. Ordezkoa: Zestoako Udaleko koordinatzailea.
- Zestoako Udaleko kultur teknikaria. Ordezkoa: Zestoako Udaleko administrari bat.

IDAZKARIA: Zestoako Udaleko idazkari-kontuhartzailea. Ordezkoa: Zestoako Udaleko administrari bat.

Epaimahaia ezin daiteke eratu ez jardun, kideen erdiak, titular nahiz ordezko, baino gehiago bertarutzen ez baldin badira. Nolanahi ere, lehendakariak eta idazkariak bertan egon beharko dute.

5. Hautaketa prozesua.

Aisialdiko titulazioa

- Aisialdiko Begirale agiriapuntu 1



ZESTOAKO UDALA

- Aisialdiko Begirale ikastaroko atal teorikoa egina izatea0,5 puntu

Ikasketak

- Kirol monitoretza Heziketa Zikloa amaituta 2 puntu
- Kirol monitoretza Heziketa Zikloa egiten aritzea1 puntu
- SHEE (IVEF) amaituta edukitzea5 puntu
- Kirol magisteritza amaituta edukitzea3 puntu
- Irakasle ikasketak amaituta edukitzea2 puntu
- SHEE (IVEF) edota Kirol magisteritza tituluak egiten aritzeaurteko puntu 1

Esperientzia

- Kirol udalekuetan begirale gisa aritua izatea (1 puntu hilabeteko). Gehienez 4 puntu.
- Udaleku ireki edo itxietan begirale gisa aritua izatea (0,5 puntu hilabeteko). Gehienez 2 puntu.
- Kirol jardueretan kirol hezitzaile edo monitore lanetan aritu izatea (0,5 ikasturte bakoitzeko). Gehienez 3 puntu.

Dagokion erakundeak sinatutako ziurtagiriak aurkeztu behar dira.

Ikastaroak

- Kirol jarduerekin lotura duten ikastaroak. (50 orduko ikastaro bakoitzeko 0,5 puntu). Gehienez 3 puntu

Dagokion erakundeak sinatutako ziurtagiriak aurkeztu behar dira

Berdinketarik dagoen kasuetan, honako irizpide hauek hartuko dira kontuan:

- 1. Ikasketa eta titulazio atalean puntuazio altuena izatea*
- 2. Esperientzia atalean puntuazio altuena izatea*
- 3. Azken errekurtsio bezala, zozketa erabiliko da.*

6. Onartuen eta baztertuen zerrendak.

Epaimahai kalifikatzaileak lortutako puntuazioaren ordenaren arabeko zerrenda Alkatetzari igorriko dio; hark hasierako onarpena emango dio zerrendari eta Zestoako Udaleko iragarki taulan eta udaleko webgunean argitaratuko da **maiatzaren 17rako**. Zerrenda ikusgai egongo da 5 eguneko epean, nahi duenak alegazioak egiteko. Epe horretan alegaziorik izan ezean, erabakia behin-betiko onartutzat emango da.

Kontratatua izateko, ezinbesteko baldintza izango da beharrezkoak diren bilera eta prestaketa egunetan, prestakuntzarako eta programazioa osatzeko aurreikusitako ordu guztietan asistentzia betetzea. Baldintza hauek ez betetzeak, hautagaiak zerrendatik kanpo gelditzea ekarriko du automatikoki. Era berean, zerrendatik kanpo gelditzea ekarriko luke, prestaketa bileretan ikusiko balitz prozesuan parte hartzeko baldintza guztiak ez direla betetzen.



ZESTOAKO UDALA

Zestoan, 2019ko martxoaren 26an

Jose txo Mendizabal Irigoyen
Alkatea

